

Formiran Bosanskohercegovačko-danski akademski klub

Na inicijativu ambasadora BiH u Danskoj Muhameda Hajdarevica, u Kopenhagenu je formiran Bosanskohercegovačko-danski akademski klub (BIHDAK)

Usvajanjem Odluke o osnivanju i Statuta, Osnivačka skupština je 10. 03. 2009.g. u Kopenhagenu prihvatila osnivanje Bosanskohercegovačkog akademskog kluba u Kraljevini Danskoj.

Na Osnivačkoj skupštini, kojoj su predsjedavali prof. dr. Karsten Fledelius, prof.dr. Safet Bektovic i Biljana Lozo, uz prisustvo preko 70 eminentnih članova i gostiju, usvojeni su temeljni dokumenti o osnivanju Kluba, Statut te izabrano rukovodstvo i radna tijela Bosanskohercegovačkog akademskog kluba u Kraljevini Danskoj.

Nakon intoniranja himni BiH i Danske te pozdravnog obraćanja ambasadora BiH u Danskoj M. Hajdarevica, pročitano je i pismo podrške PEN Centra Bosne i Hercegovine, nakon čega je uslijedio radni dio Skupštine. Nakon usvajanja određenih sugestija na dokumente Odluke i Statuta, izabrano je i rukovodstvo BIHDAK-a.

Za predsjednika Kluba izabran je prof. dr. Safet Bektovic, potpredsjednik je prof. dr. Karsten Fledelius, koji su članovi UO po funkciji u Klubu, sekretar Biljana Lozo, dipl. ekonomista.

Upravni odbor izabranisu : Biljana Žakula, slikar, Elmir Tartic, dipl.pravnik, mr. Marija Lukac, ekonomista, Ole Richter, dipl.pravnik, prof. dr. Lissi Rasmusen. Za revizora je izabran Niels Tvilling, dipl.teolog, zamjenik revizora Vladimir Stefanovic, dipl.inž.gradevine. Funkcij blagajnika odredit će UO Akademskog kluba.

